



Inatsisartuni ilaasortaq Olga P. Berthelsen
Inuit Ataqtigiit
-/Maani

§ 37, imm. 1 naapertorlugu apeqqut nr. 2011-13-imut akissut

Asasara Olga P. Berthelsen

Aallarniutigalugu apeqqutit saqqummiunneqartut pillugit qujavunga, taakkulu imatut nipeqarput:

Naalakkersuisunut apeqqut:

1. Ineqarneq pillugu Maalaaruteqartarfimmi Namminersorlutik Oqartussat kommunillu inissiaataanni attartortittakkani attartortut attartortitsisullu akornanni aaqqiagiinngissutit taamaallaat suliarineqarsinnaasernerat eqqorpa, taamaassimappallu eqqartuussivinni suliakkiisinnaanerup avataatigut qanoq attartortut inissiani namminersortunit pigineqartuni ineqarnermut akiliutip qaffasippallaarujussuarnera aammalu sakkortuallaamik atugassaritinneqartut allat pillugit maalaaruteqarnissamut periarfissaqarpat?
2. Inissiani namminersortunit pigineqartuni attartortunut atugassaritinneqartut Ineqarneq pillugu Maalaaruteqartarfimmit suliarineqarsinnaalernissaat Naalakkersuisut pitsaaqtissaqartippaat?
3. Taamaangippat - Naalakkersuisut inissiani namminersortunit pigineqartuni attartortut qanoq pitsaaneruseqarnera illersorneqalernissaat takorloorpaat?
4. Nalunaarut ataani innersuunneqartoq malillugu imeqarnermut kiassarneqarnermullu aningaasartuutit uppersarnerarnerisa saniatigut, aningaasartuutit suut allat ineqarnermut akiliutip annertussusilerneqarneranut attartortitsisumit uppersarnerneqassappat?
5. Attartornermut isumaqtigiissutit atsiunnginnerani ineqarnermut akiliut aningaasartuutit malillugit eqqortumik naatsorsorneqarluni annertussusilerneqar-simanagera pillugu, attartortoq pisinnaatitaaffeqarpa illup imaluunniit ineqqap naatsorsuutai kukkunersiuisumit uppersarnerneqareersimasut takoqqaassallugit?
6. Taamaattoqanngippat - inissianik attartortitsisarneq pillugu peqqussutit allanngortinneqarneratigut imaluunniit nutaamik nalunaarutiliornikkut, attartortup taamatut pisinnaatitaaffeqalernissaa Naalakkersuisut periarfissaqarsoraat imaluunniit naleqquttusoraat?
7. Apeqqutinut attuumassuteqarsinnaasunik allanik Naalakkersuisut paasissutissiisnaappat?

Erseqqissaatigissavara, apeqqutit saqqummiunneqartut nuannaarutigisorujussuugakkat, apeqqutinut akissuteqarninni namminersortut inissianik attartortitsisarneqat nassuiaateqarfigissallugit periarfissimanna.

25. jan 2011
Sagsnr. 2011-044329
Dok.nr. 549862

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

1. Ineqarneq pillugu Maalaaruteqartarfimmi Namminersorlutik Oqartussat kommunillu inissiaataanni attartortittakkani attartortut attartortitsisullu akornanni aaqqiagiinngissutit taamaallaat suliarineqarsinnaasarnerat eqqorpa, taamaassimappallu eqqartuussivinni suliakkiisinnaanerup avataatigut qanoq attartortut inissiani namminersortunit pigineqartuni ineqarnermut akiliutip qaffasippallaarujussuarnera aammalu sakkortuallaamik atugassaritinneqartut allat pillugit maalaaruteqarnissamut periarfissaqarpat?

Aap, Ineqarneq pillugu Maalaaruteqartarfiup Namminersorlutik Oqartussat kommunillu inissiaataanni attartortittakkani aaqqiagiinngissutsit kisiisa suliarisarmagit ilumoorpoq. Inissiaatinik attartortittakkanik namminersortunit pigineqartunik attartortut eqqartuussivinnut innersuunneqarput.

2. Inissiani namminersortunit pigineqartuni attartortunut atugassaritinneqartut Ineqarneq pillugu Maalaaruteqartarfimmit suliarineqarsinnaalernissaat Naalakkersuisut pitsaaqutissaqartippaat?

Naamik. Ineqarneq pillugu Maalaaruteqartarfik apeqqutininik amerlanertigut uppersarneqartariaqartunik pisariusunillu, eqqartuussivinnut eqqortumik innersuunneqartariaqartunik suliaqartassappat tamanna naapertuutinnigilaq.

3. Taamaangippat - Naalakkersuisut inissiani namminersortunit pigineqartuni attartortut qanoq pitsaanerusumik illersorneqalernissaat takorloorpaat?

Saaffiginnissutininik aalajangersimasunik, inissianik attartortittakkanik namminersortunit pigineqartunik attartortut inatsisitigut illersorneqarnerisa pitsaannginneranik takutitsisunik Naalakkersuisunut saaffiginnittoqarsimangilaq.

4. Nalunaarut ataani innersuunneqartoq malillugu imeqarnermut kiassarneqarnermullu aningaasartuutit uppersarneqarnerisa saniatigut, aningaasartuutit suut allat ineqarnermut akiliutip annertussusilerneqarneranut attartortitsisumit uppersaaserneqassappat?

Piumasaqaatinik nalinginnaasunik innersuussisoqanngilaq, kisiannili uppersaanermi missingersuutit, naatsorsuutit ilaliussallu saqqummiunneqarsinnaapput.

5. Attartornermut isumaqatigiissutip atsiunnginnerani ineqarnermut akiliut aningaasartuutit malillugit eqqortumik naatsorsorneqarluni annertussusilerneqarsimanera pillugu, attartortoq pisinnaatitaaffeqarpa illup imaluunniit ineeqqap naatsorsuutai kukkunersiuisumit uppersarneqareersimasut takoqqaassallugit?

Naamik.

6. Taamaattoqanngippat - inissianik attartortitsisarneq pillugu peqqussutip allangortinneqarneratigut imaluunniit nutaamik nalunaarutiliornikkut, attartortup taamatut pisinnaatitaaffeqalernissaa Naalakkersuisut periarfissaqarsoraat imaluunniit naleqquttusoraat?

Naamik. Tunngaviusumik attartortut attartornermut isumaqatigiissusiornerminni sissuertussaapput. Attartortitsisoq nammineq piumassutsiminik naatsorsuineranut tunngavissanik takutitsiumanngippat, tamanna pillugu maleruagassiornissaq iluaqutaanaviangilaq.

7. Apeqqutinut attuumassuteqarsinnaasunik allanik Naalackersuisut paasissutissiisinnaappat?

Attartortussap attartornissamut isumaqatigiisummik atsiugaqannginnermini attartukkami ineqarnermut akiliutissaq naammaginarnersoq pillugu attartortussap naliliisarnissaa pingaaruteqarpoq.

Neriuppunga matumuunakkut suliassaq pillugu paasissutissiisimassallunga, paasissutissallu amerlanerusut atorfissaqartinneqarpata piareersimavunga.

Inussiarnersumik inuulluaqqusillunga

Jens B. Frederiksen